

Hon Andrew Little

Minita mō ngā take Hauora



Hon Peeni Henare

Minita Tuarua mō ngā take Hauora (Hauora Māori)

PĀNUI PĀPĀHO
MEDIA STATEMENT

23 o Hepetema 2021

He ohu matatau kua kopoua ki te ārahi i te rāngai hauora o Aotearoa hei ngā rā ki tua

He ohu kātuarehe tēnei kua kopoua ki te ārahi i Te Rōpū Mana Hauora Māori me Hauora Aotearoa. He rōpū whai wheako huhua noa ki ngā mahi whakahaere, he whānui hoki o rātou pūkenga ki ngā kaupapa hauora,” te kōrero a te Minita Hauora, a Andrew Little.

“E hiahia ana tēnei kāwanatanga ki tētahi rāngai hauora ā-motu motuhake hei whakarato i ngā ratonga hauora whai kiko, whai mana puta noa i te motu. He takahitanga anō tēnei ki te whakatikatika i te rāngai hauora kia whai hua ai ki te katoa,” te kōrero a Andrew Little.

“Ka kitea te mana ōritenga o ngā whai wāhinga a Aotearoa whānui ki ngā kaupapa tuku hauora hei ngā rā ki tua kia ora rawa atu ai te tangata ahakoa ko wai, ahakoa nō hea.”

Inā te huhua o ngā wheako kaitohutohu matua a Rob Campbell, me tōna mārama ki te hautū i ngā kaupapa uniana, rāngai tūmatanui, tūmatawhāiti hoki, i kopoua ai ia hei Toihau mō Hauora Aotearoa. Mā te whānuitanga o ōna mōhio ki te ārahi i ngā whakahaerenga mahi nunui, koinei ngā pūkenga e tika ana ki te ārahi i a Hauora Aotearoa kia toko ake hei wāhi tuku mahi nui rawa atu o tēnei motu a tōna wā.

Kua kopoua a Sharon Shea, te Toihau o Te Poari Hauora ā-rohe o Te Waiariki, hei Hoa-Heamana ki Te Rōpū Mana Hauora Māori, ā, ka noho hoki ia hei mema ki te poari o Hauora Aotearoa. Kua roa ia e ārahi ana i ngā kaupapa whai pānga ki te hauora, te hunga hauā me te rāngai hapori hoki.

Kua kopoua hoki a Tipa Mahuta, te Toihau Tuarua mō Te Poari Hauora ā-Rohe ki Manukau, hei Hoa-Toihau ki Te Rōpū Mana Hauora Māori. Ka hāngai ōna pūkenga ki ngā mahi huawaere, rangahau, kaupapa here, whakawhanake hapori, me te nui hoki o ōna wheako mō āna mahi hautū ā-lwi.

Ko tōna 20 ngā Poari Hauora ā-Rohe puta noa i te motu ka whakakotahitia mai e Hauora Aotearoa, he ohu mahi 80,000 tāngata te nui, he tahua pūtea ā-tau \$20 piriona te nui, me tētahi kohinga rawa \$24 piriona te nui.

Ka mahi tahi Te Rōpū Mana Hauora Māori me Hauora Aotearoa ki te waihanga i ngā mahere pūnaha, te whakarite i ngā ratonga mātuatua, hapori hoki, me te whakarite mai i ngā ratonga Māori. Ka mahi tahi Te Rōpū Mana Hauora Māori me Te Manatū Hauora ki te waihanga rautaki, kaupapa here hoki e whai hua ana ki a ngāi Māori.

“E tohu ana tēnei i te nekehanga hirahira ki tētahi rāngai hauora whai mana ōrite,” te kōrero a te Minita Hauora Tuarua, a Peeni Henare.

“He kaupapa nui, taioore Te Rōpū Mana Hauora Māori mō te iwi. Ka whānui ake ngā ratonga Māori, ā, ka pāorooro te reo a ngāi Māori ki tētahi pūnaha hou e aro ana ki te whakatikatika i te tuwhenatanga o ngā putanga hauora kua roa nei e tāmi nei i ō tātou whānau.”

“I whakapaua ngā werawera e te rōpū i aratakina e Tā Mason Durie ki te tautoko i te tukanga kopou tāngata – mātua rā nā Tā Mason te whakaūnga, kua whiria ngā tāngata papai rawa i runga i ngā tautōhitotanga me ngā wheako whānui e tika ana mō tā tātou pūnaha hauora hei ngā rā ki tua,” te kōrero a Peeni Henare.

“E ngākau tapatahi katoa ana ngā mema kei ngā poari hou nei ki te whakatikatika i te whai oranga o te motu i runga i te aro pū ki ngā hapori. Ko tāku e whakapono nei, ka ārahitia ā tātou hinonga hauora hou e tēnei huinga tāngata ki te whakatutuki i ēnei kawenga mahi kua roa nei e hiahitia ana,” te kōrero a Andrew Little.

KUA MUTU

Whakapānga Pāpāho:

Minita Little - Talisa Kupenga 027 405 7231

Minita Henare - Irena Smith 027 845 205

He kōrero nā te Etitā

Mō ngā haurongo e pā ana ki ngā mema poari me ētahi atu kōrero mō te tapitanga hauora, tirohia ki www.futureofhealth.govt.nz

Ko ngā mema o Hauora Aotearoa:

- **Rob Campbell (Toihau)** – he kaitohutohu matua whai wheako huhua noa e mārama nei ki te hautū i ngā kaupapa uniana, te rāngai tūmatanui, tūmatawhāiti hoki.
- **Amy Adams** – he kaitōrangapū tawhito nō mua mō te Pāti Nāhinara, he Mema Pāremata mō Herewini, ā, he Minita hoki.
- **Cassandra Crowley** – he Kaikaute, he Poutoko Ture, he Rōia hoki ki te Kōti Teitei o Aoteaora e whānui nei ōna pūkenga whakahaere.
- **Vui Mark Gosche** – he kaiārahi matua mō te iwi o Hāmoa me Te Moananui-a-Kiwa tae atu ki ngā rāngai hauora, hunga hauā, hapori hoki o Aoteaora, he Mema Pāremata nō mua, ā, i noho hei Minita.
- **Kahurangi Karen Poutasi** – kua whai tohu rongoā e tautōhito ana ki ngā kaupapa hauora tūmatanui, he mārama ki ngā mahi whakahaere ki te rāngai hauora, mātauranga hoki, tae atu ki āna mahi hei Tumu Whakarae mō Te Mana Tohu Mātauranga o Aotearoa, hei Kaitohutohu Matua hoki mō te Hauora.
- **Vanessa Stoddart** – he kaiārahi matua e whai pūkenga ana ki ngā mahi hautū ki roto i ngā ao tukanga ahumahi, tākaitanga, rererangi, pūkahaatanga hoki e aro pū nei ki ngā whakahaerenga paheko, ki ngā ritenga whakatutuki hoki.

- **Tākuta Curtis Walker** – he tākuta mātai tinana, he mātanga tiro tākihi ki Te Pae Hauora o Ruahine o Tararua. He whānui ōna mōhiotanga ki ngā mahi hautū, ki ngā mahi whakahaere whare mauru, me ngā kaupapa here tūmatanui.
- **Sharon Shea** – kua roa te Toihau o te Hauora a Toi e ārahi ana i ngā kaupapa whai pānga ki te hauora, te hunga hauā me te rāngai hapori. Ka noho mai hoki ia hei Hoa-Toihau ki te Rōpū Mana Hauora Māori.

Ko ngā mema o Te Rōpū Mana Hauora Māori:

- **Sharon Shea (Hoa-Toihau)** – kua roa te Toihau o te Hauora a Toi e ārahi ana i ngā kaupapa whai pānga ki te hauora, te hunga hauā me te rāngai hapori. Ka noho mai hoki ia hei mema ki Te Poari Hauora o Aotearoa.
- **Tipa Mahuta (Hoa-Toihau)** – Toihau Tuarua mō Te Poari Hauora ā-Rohe ki Manukau, ka hāngai ōna pūkenga ki ngā mahi huawaere, rangahau, kaupapa here, whakawhanake hapori, me te nui hoki o ōna wheako mō āna mahi hautū ā-lwi.
- **Tākuta Sue Crengle** – he mātanga ki roto i ngā mahi tākuta me ngā kaupapa tūmatanui e pā ana ki te rongoā. He tohunga rangahau, ā, ko ia hoki te Ahorangi Hauora Māori ki Te Kura Hauora Māori o Ōtākou.
- **Tākuta Mataroria Lyndon** – he Kaiarataki Mana Taurite ki Mahitahi Hauora (PHO), he Kaiako Matua hoki ki Te Tari Rongoā o Waipapa Taumatarau.
- **Māreikura Tureiti Moxon** – he kaiārahi kua roa nei e arataki ana i ngā kaupapa hauora Māori, mātauranga, pāpori, tae atu ki ngā kaupapa ture ā-hapori, a-rohe, ā-motu hoki.
- **Fiona Pimm** – he kaiārahi matua kua whānui nei tōna toronga mahi ki ngā tūranga kaihautū i te rāngai hauora, ngā tari kāwanatanga, ngā kaupapa hapori (NGO), ngā iwi me ngā rūnanga hoki.
- **Awerangi Tamihere** – he kaiārahi matua kua whānui nei tōna toro ki roto i ngā mahi kāwanatanga, hinonga karauna ā-rohe, te rāngai tūmatawhāiti, tae atu hoki ki ōna ake toronga iwi.
- **Tākuta Chris Tooley** – he kaihautū whai wheako huhua noa, he Pou Whakarae hoki mō Te Puna Ora o Mataatua ki roto o Whakatāne, ka tā rātou he whakarato i ngā ratonga tuku hauora me ngā ratonga pāpori hoki ki te taha rāwhiti o Te Waiariki.